



12. maj 2026

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Inuiaqatigiinni ikiaroonartup nunatsinni qanoq annertutigisumik ajoqutaatiginera Naalakkersuisut qanoq nalilerpaat?
2. Naalakkersuisut isumaqarpat inoqarfinni ikiaroonartumik arsaarinnissuteqarfigineqarpiarneq ajortuni ikiaroonartoq ajornartorsiutaanngitsoq?
3. Inoqarfinni ikiaroonartumik arsaarinnissuteqarfigineqarpiarneq ajortuni arsaarinnissutigineqartup taamak annikitsigineranut Naalakkersuisut suna pissutaasoraat?
4. Illoqarfinni aalajangersimasunik qimmilinnik ilanngaaserisoqarfiunngitsuni umiarsuartigut avataaniit tikittut qanoq annertutigisumik nakkutigineqarpat?
5. Illoqarfiit ilanngaaserisoqarfiunngitsut qimmeqarfiunngitsullu qanga kingullermik misissuiffigineqarnikuuppat?
6. Ilanngaaserisut qimmii sulinermi qanoq annertutigisumik iluaqutaappat? Naalakkersuisullu qimmit amerlineqarnissaat pilersaarutigivaat? Qaqugu sumilu tamanna pilersaarutaava?
7. Ilanngaaserisut qimmillit ilanngaaserisunut qimmeqanngitsunut sanilliullugit ikiaroonartumik nassaarnissaminut ilippanaataat qanoq annertutigiva?
8. 2025-mi Aningaasanut Inatsimmi ikiaroonartup akiorneqarnerata annertusarnissaanut ilassutitut aningaasaliissutit 5 mio.kr. sumut atorneqarpat?

(Inatsisartunut ilaasortaq Erik Jensen, Siumut)

Tungavilersuut:

Politiit ukiumoortumik nalunaarutaanni takuneqarsinnaavoq inoqarfiiit ilaanni, allaat ilaatigut illoqarfinni anginerit ilaanni ikiaroonartoq arsaarinnissutigineqartartoq annertugisassaaneq ajortoq. Taamatutaaq §37, 150/2025-mi akissutissinni allappusi Sisimiuni Tunumilu qimmilinnik ilanngaaserisoqalernissaa pisariaqanngitsutut nalilerlusiuk. Taamaattumik paaserusunnarpoq inoqarfiit ilaanni arsaarinnissutigineqartartup taamak annikitsigineranut suna pissutaasimasinnaanersoq. Ilanngullugulu paaserusunnarpoq ilanngaaserinermi qimmit qanoq sulinermut iluaqutaatiginersut.

Apeqqutigineqartut ullut suliffiusut qulit iluanni akeqquneqarput.